



স্বরাষ্ট্র মন্ত্রক

অমরনাথ যাত্রা: প্রস্তুতির উন্নয়নে নকল মহড়া করল এন.ডি.এম.এ. আসন্ন অমরনাথ যাত্রায় কোনো রকম বিপর্যয়ে সাড়া দেওয়ার পদ্ধতি ও প্রস্তুতির মানোন্নয়নের জন্য জাতীয় বিপর্যয় মোকাবিলা

Posted On: 28 JUN 2017 1:28PM by PIB Kolkata

আসন্ন অমরনাথ যাত্রায় কোনো রকম বিপর্যয়ে সাড়া দেওয়ার পদ্ধতি ও প্রস্তুতির মানোন্নয়নের জন্য জাতীয় বিপর্যয় মোকাবিলা কর্তৃপক্ষ (এন.ডি.এম.এ.) শনিবার অমরনাথ যাত্রার পথেবিভিন্ন নকল দুর্ঘটনার পরিস্থিতি তৈরি করে নকল মহড়া করেছে।

দক্ষিণ কাস্মীরের অমরনাথ গুহার জন্য বার্ষিক অমরনাথ যাত্রা আগামী ২৯ জুন থেকে শুরু হয়ে ৭ আগস্ট পর্যন্ত চলবে।

একই সঙ্গে বালতাল এলাকার সংকটপূর্ণ স্থানে এবং পহেলগাম—চন্দনওয়াডি রুটেও এ ধরনের মহড়া করা হয়েছে। এন.ডি.এম.এ.'র বিশেষজ্ঞ মেজর জেনারেল ডি.কে. দত্ত (অবসরপ্রাপ্ত) এবং মেজরজেনারেল (ডক্টর) ডি.কে. নায়েক (অবসরপ্রাপ্ত)-এর নেতৃত্বে এই মহড়া হয়েছে। তাঁরা বিপর্যয় মোকাবিলার প্রধান প্রধান বিষয় নিয়ে অংশ গ্রহণকারীদের প্রশিক্ষণ দিয়েছেন। এর মধ্যে রয়েছে দুর্ঘটনায় সাড়া দেওয়ার দল তৈরি করা, বিভিন্ন অংশ গ্রহণকারী সংস্থার মধ্যে সমন্বয়, কোনো স্থান খালি করা, চিকিৎসা প্রস্তুতি, ট্রমা কাউন্সেলিং ইত্যাদি।

এই মহড়ার শুরুর দিন ২১ জুন অনুষ্ঠিত হয়েছে সমন্বয় সম্মেলন। এর পর দ্বিতীয় দিন ২২ জুন হয়েছে মহড়ার দিক-নির্দেশ আলোচনা। শ্রী অমরনাথজি মন্দির পর্ষদ (এস.এ.এস.বি.), জাতীয় বিপর্যয় মোকাবিলা বাহিনী (এন.ডি.আর.এফ.), রাজ্য বিপর্যয় মোকাবিলা বাহিনী(এস.ডি.আর.এফ.), রাষ্ট্রীয় রাইফেল, কেন্দ্রীয় রিজার্ভ পুলিশ বাহিনী(সি.আর.পি.এফ.), সেনাবাহিনী, পুলিশ, স্বাস্থ্যকর্মী, সিভিল ডিফেন্স, পরিবহন, অগ্নি-নির্বাপক সংস্থা ও অন্যান্য আপগকালীন পরিষেবাসহ সংশ্লিষ্ট বিভিন্ন বিভাগের আধিকারিকগণ এই প্রস্তুতি বৈঠকে যোগ দেন এবং মহড়ায় অংশ গ্রহণ করেন।

মহড়া শেষে এ নিয়ে সবার মতামত গ্রহণ করা হয়, যেখানে অংশগ্রহণকারীরা বিভিন্ন ঘটতি নিয়েএবং এ থেকে উত্তরণের উপায় নিয়ে আলোচনা করেন।

এন.ডি.এম.এ.দেশের বিভিন্ন প্রান্তে নানা ধরনের বিপর্যয় অবস্থা সম্পর্কিত ৫৫০-টিরও বেশি মহড়া করেছে। আগামী ৩০ জুন ভূমিকম্পের প্রস্তুতি নিয়ে দিমিতে রাজ্য পর্যায়ের মহড়া অনুষ্ঠিত হবে।

(Release ID: 1493903) Visitor Counter : 5

Background release reference

এন.ডি.এম.এ.'র বিশেষজ্ঞ মেজর জেনারেল ডি.কে. দত্ত (অবসরপ্রাপ্ত) এবং মেজরজেনারেল (ডক্টর) ডি.কে. নায়েক (অবসরপ্রাপ্ত)-এর নেতৃত্বে এই মহড়া হয়েছে

